


Bibël për fëmijët paraqet



Një Bir i Preferuar Bëhet Skllav



Shkruar nga: Edward Hughes

Ilustruar nga: Byron Unger; Lazarus

Adaptuar nga: M. Kerr; Sarah S; Alastair P.

Përkthyer nga: Arianit Iljazi

Prodhuar nga: Bible for Children

www.M1914.org

BFC

PO Box 3

Winnipeg, MB R3C 2G1

Canada


©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

Isaku ishte shumë i lumtur. Biri i tij Jakobi ishte në shtëpi. Madje edhe Esau, e mirëpriti vëllain që njëherë ishte betuar ta vriste. Por bijtë e Jakobit nuk ishin të lumtur për shkak të Jozefit, vëllait të tyre më të vogël, që ishte i preferuari i babit.




Vëllezërit e Jozefit u zemëruan edhe më shumë kur ai u tregoi atyre ëndërrat e tyre. "Duajt e mi të grurit qëndruan drejt, ndërsa duajt e vëllezërve të mi u përkulën në nderim", tha Jozefi. Kjo ëndërr do të thoshte se Jozefi do të ishte më i rëndësishëm se vëllezërit e tij.




3

Në ëndërrën e dytë të Jozefit, dielli, hëna dhe yjet binin përmbys përpara tij. Madje edhe babai i tij Jakobi u zemërua, pse ai po e vinte veten përmbi prindërit dhe vëllezërit!




4

Një ditë Jakobi dërgoi Jozefin në fushën ku vëllezërit e tij po kullosnin bagëtinë. Vëllezërit e tij, e panë ndërsa ai vinte. "Le ta vrasim këtë ëndërrues", hungëritën ata. Jozefi nuk e dinte çfarë rreziku i kanosej atij.




5

"Shihni këtu është një pus. Lëreni të vdesë atje!" Rubeni po bënte plan ta shpengonte Jozefin në të ngrysur.




6

Kur Jozefi mbërriti, vëllezërit e tij e kapën, dhe i hoqën rroben shumëgjyreshe që Jakobi kishte bërë veçanërisht për birin e tij të preferuar. Pastaj, ata e hodhën atë në pusin e tmerrshëm.



7


Ndërsa Rubeni nuk ishte i pranishëm, një karvan me deve kaloi nëpër atë rrugë për në Egjiptin e largët. "Le ta shesim Jozefin", bërtiti Juda, vëllai i tij. Pazari u bë.



Ata e shitën Jozefin për njëzet monedha argjendi.


8

Me lot në sy dhe i frikësuar, Jozefi shikonte sesi devetë duke u lëkundur po e çonin atë larg nga familja dhe atdheu.



9



"Është kjo, rroba e Jozefit? Është me gjak. Ne e gjetëm në shkretëtirë". Vëllezërit mizorë e bënë të besojë Jakobin, se një kafshë e egër e kishte vranë birin e tij të preferuar. Jakobi grisi rrobat e tij dhe mbajti zi. Asnjëri nuk mund ta ngushëllonte atë.



10


Në Egjipt, Jozefi mbase kishte pak frikë ose ndihej i vetmuar. E kish marrë malli për shtëpinë. Por ai nuk mund t'ia mbathte.

Ai ishte një skllav në shtëpinë e Potifarit, që ishte një Egjiptas i rëndësishëm. Potifari e pa që Jozefi gjithmonë punonte rëndshëm dhe mund ti besojë atij.




11

"Të gjitha që ti bën, dalin për mbarë", i tha Potifari Jozefit një ditë. "Perëndia është me ty. Unë dua që ti të jesh kryeshërbëtori im, në ngarkim të të gjitha punëve dhe përmbi gjithë shërbëtorët e tjerë".




12

Perëndia i dha Potifarit të korra të mbara dhe shumë pasuri për shkak të Jozefit. Tanimë një njeri i rëndësishëm, Jozefi ende i besonte dhe i shërbente me besnikëri Perëndisë. Por telashe po vinin për Jozefin.




13

Gruaja e Potifarit ishte një grua e ligë. Ajo i kërkoi Jozefit të zinte vendin e burrit të saj. Jozefi nuk pranoi. Ai nuk do të mëkatonte kundër Perëndisë duke ia bërë me të padrejtë Potifarit.



14

Kur gruaja provoi ta detyrojë atë, ai ia mbathi. Por ajo kapi dhe mbajti rroben e tij.



15

"Skllavi yt më sulmoi mua", u ankua gruaja e Potifarit. "Shih, këtu është rroba e tij". Potifari u zemërua. Mbase ai e dinte që gruaja e tij po gënjente. Por ai duhej të bënte diçka. Çfarë do të bënte ai?



16

Potifari e futi Jozefin në burg. Megjithëse ishte i pafajshëm, Jozefi as u hidhërua, as u zemërua.



17

Një Bir i Preferuar Bëhet Skllav

Një tregim nga Fjala e Perëndisë, Bibla

e marrë nga

Zanafilla 37, Zanafilla 39

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

18

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të 'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

20

Fund

7



60

19